

# Yu Neva Rili Stap Yuwan

**?Wanem sapos Ethan i kasem kil bakegen taem i nogat wan man i stap blong helpem hem?**



**I kam long Gabrielle Shiozawa**  
(I kamaot long wan tru stori)

*Stori ia i tekem ples long YSA.*

Ethan i sakem ol leg blong hem long swing. Hem i go antap mo antap moa. !Win i mekem hem i filim olsem se hem i stap flae!

Afta, bel i ring. Ethan i pulum longfala win. Hem i no redi blong brektaem i finis yet.

Ol pikinini oli laenap blong gobak insaed. Ethan i lego swing blong hem i slo daon. Afta hem i kamaot long swing blong gobak long klas.

Be taem ol leg blong Ethan i kasem graon, hem i filim wan strong filing blong soa long leg blong hem. Hem i foldaon long graon. Hem i traem blong stanap be hem i filim olsem faea i stap bonem leg blong

hem. !I soa tumas!

"!Help!" Ethan i singaot. Wota blong ae i ron kamdaon long fes blong hem. Ol pikinini mo ol tija oli ron i kam blong helpem hem.

"?Wanem i rong?" wan tija i askem.

"!Mi brekem leg blong mi!"

Hemia i no fas taem we Ethan i bin brekem wan bun blong hem. !I no iven nambatu taem o nambatri taem! Ethan i gat wan sik blong bun, wan siknes we i mekem ol bun blong hem i stap brok isi nomo. Iven ol smol samting olsem blong stanap i kamaot long fut pat o fas long wan man, i save brekem bun blong hem.

"Bae mifala i ringim papa mo mama blong yu blong karem wan dokta," tija i talem. "Evri samting bae i oraet."

Ethan i glad se i gat ol pipol blong helpem hem. Leg blong hem i soa bigwan yet, be hem i save bae hem i sef.

Mama mo Papa oli go long skul mo karem Ethan i go long wan dokta. Oli putum wan simen we i blu long leg blong hem mo hem i go long haos blong spel.

Ethan i spendem fulap taem long bed from leg blong hem i brok. Hem i gat fulap buk blong stap ridim. Samtaem ol fren blong hem oli kam blong plei ol gem wetem hem. Be yet hem i filim boring yet.

Wan naet, Ethan i wekap mo i no save silip bakegen. Hem i traem blong rilaks, be hem i wokem wari. ?Wanem sapos mi brekem wan bun afta i nogat wan

man i stap, olsem long medel blong naet? Ethan i tingting. Hat blong hem i pam kwik . Hem i filim fraet.

"!Papa!" Ethan i singaot.

Papa i ron i go insaed long rum blong Ethan.

"?Wanem i rong?"

"Mi mi fraet," Ethan i talem. "?Wanem sapos mi brekem wan nara bun afta i nogat wan man i stap blong helpem mi?"

Papa i sidaon narasaed long hem long bed. "Hemia wan fraet tingting lelebet," hem i talem. "Iven taem yumi traem blong lukaot mo stap sef, ol nogud samting oli save hapen yet. Be nomata long hemia, Papa long Heven i stap lukaot long yu."

"So hemia i minim se ?Hem i oltaem stap wetem mi?" Ethan i talem.

"Hemia nao." Papa i givim wan hag long Ethan.

Ethan i tingting abaot olsem wanem Papa i bin

kam hariap blong helpem hem. Hem i save se papa i lavem hem mo i oltaem wantem blong helpem hem. Ating Papa long Heven Hem i olsem tu.

Long nekis dei, Ethan i ridim wan skripja insaed long *Fren* magasin. I talem olsem: "Yufala i stap glad, mo yufala i no fraet, from we mi Lod, mi stap wetem yufala, mo bae mi stanap wetem yufala"\*

Ethan i filim kwaet mo sef taem hem i ridim ol skripja, semmak olsem we hem i filim taem hem i toktok wetem Papa. Hem i save se Tabu Spirit i stap kamfotem hem. I olsem se hem i stap haggem Papa bakegen.

*Ating bae mi brekem sam moa bun*, Ethan tingting, *be mi no nid blong fraet*. Hem i save se bae hem i neva rili stap hemwan. ●

*\*Doktrin mo Ol Kavenan 68:6.*



**?Wetaem nao yu bin filim lav blong Papa long Heven?**